

ductus in exponentem ipsius a^3 auctum unitate, seu $5 + 1 = 6$ hoc est, $\frac{1}{2} \times \overline{5+1} = 6$: tertii termini coefficientis $\frac{6}{2} \times \overline{4+1} = 3 \times 5 = 15$: coefficientis termini quarti est $\frac{15}{2} \times \overline{3+1} = 5 \times 4 = 20$. Et simili modo inveniuntur coefficientes alii 15, 6, 1.

Ex hac constanti exponentium et coefficientium serie generatim exhiberi potest binomium $a+b$ ad potestatem quamlibet m evectum. Ita terminorum series se habebit, non consideratis coefficientibus: $a^m b^0$, $a^{m-1} b^1$, $a^{m-2} b^2$, $a^{m-3} b^3$, $a^{m-4} b^4$, quae series continuari debet, donec exponens quantitatis b evadat m . Coefficientes autem ex praecedenti regula hoc ordine progredientur 1, m , $m \times \frac{m-1}{2}$, $m \times \frac{m-1}{2} \times \frac{m-2}{3}$, m

$\times \frac{m-1}{2} \times \frac{m-2}{3} \times \frac{m-3}{4}$ et ita deinceps. Quare

haec habetur generalis formula $(a+b)^m = a^m + ma^{m-1}b + m \times \frac{m-1}{2} \times a^{m-2}b^2 + m \times \frac{m-1}{2} \times \frac{m-2}{3} \times a^{m-3}b^3$ cet. Simili modo invenitur formula

pro binomio $(a-b)^m$, hoc solum observato discrimine, quod terminus debeat esse negativus, si exponens quantitatis b sit numerus impar. Ita in cubo $a^3 - 3a^2b + 3ab^2 - b^3$ secundus et quartus termini sunt negativi. Ratio autem est evi-

dens, quum negativa existente quantitate, multiplicationem numerus impar productum efficere debeat negativum. Formula eadem omnino ratione componi posset pro trinomio $a+b+c$; ponendo $a+b$ $\frac{m}{2}$, et ita deinceps pro polynomio quolibet. Praecedens formula, quae potestatum compositionem exhibet, earum quoque resolutionem repraesentare potest. Ita radix quadrata binomii $a+b$ nihil est aliud, quam potestas binomii $a+b$, cuius exponens $\frac{1}{2}$. Quare ponatur in formula praecedenti $m = \frac{1}{2}$, habebiturque $a+b^{\frac{1}{2}} = a^{\frac{1}{2}+\frac{1}{2}} \left(a^{-\frac{1}{2}} b \right) + \frac{1}{4} \times \frac{1}{2} \left(a^{-\frac{3}{2}} b^2 \right) + \frac{1}{48} \times \frac{1}{2} \times \frac{5}{8}$

$\left(a^{-\frac{5}{2}} b^3 \right)$ cet. $= a^{\frac{1}{2}} \left(1 + \frac{b}{2a} - \frac{b^2}{8a^2} + \frac{b^3}{16a^3} \right)$ cet. Simi-

li modo si extrahenda sit radix quinta ex $a+b$;

habebitur $(a+b)^{\frac{1}{5}} = a^{\frac{1}{5}} + \frac{1}{5} \left(a^{-\frac{4}{5}} b \right) - \frac{1 \times 4}{2 \times 25}$

$\left(a^{-\frac{9}{5}} b^2 \right)$ cet. $= a^{\frac{1}{5}} \left(1 + \frac{b}{5a} - \frac{2bb}{25aa} + \text{cet.} \right)$ Itaque

ad radicem proxime veram accedere possumus per series infinitas convergentes, hoc est, per series, quorum termini perpetuo decrescant.

CAPVT VI.

De proportionibus.

I.

In memoriam revocanda est explicata cap. I. ra-

tionis et proportionis definitio. *Ratio* dicitur: *ca duarum quantitatum latitudo, qua ad se invicem referuntur. Geometrica* dicitur: *si in ea relatione consideremus, quomodo quantitas una alteram contineat; arithmetica* vocatur: *si excessum tantummodo unius supra aliam spectemus.* In omni ratione quantitas, quae ad aliam refertur, *antecedens* dicitur, ea vero, ad quam refertur; *consequens* appellatur. *Ratio geometrica* dicitur *dupla, tripla, decupla* cet. si antecedens bis, ter, decies cet. consequentem continet; contra vero *subdupla, subtripla, subdecupla* cet. si vis, ter, decies cet. antecedens in consequenti continetur. *Exponens* rationis geometricae dicitur: *quotus ex antecedenti per consequentem diviso*: exponens vero rationis arithmeticae est: *differentia consequentis ab antecedenti.* Hinc ratio geometrica instar fractionis scribitur, arithmetica instar subtractionis. *Duarum rationum aequalitas* dicitur *proportio.* Ea est *geometrica* vel *arithmetica* pro rationum ipsarum qualitate. Igitur in omni proportione quattuor quantitates esse debent, et *prima ad secundam esse* dicitur; *ut tertia ad quartam.* Si vero eadem quantitas bis adsumatur ita, ut primae rationis consequens idem sit cum antecedente secundae, proportio dicitur *continua.* Ita exprimi solet proportio geometrica $a. b :: c. d$, vel $a. b$

$$= c : d, \text{ vel } \frac{a}{b} = \frac{c}{d}; \text{ arithmetica vero } a - b$$

$$= c - d.$$

II. (Si inter duas primas quantitates eadem sit differentia, quae inter duas ultimas, iam quantitates illae sunt *arithmetice proportionales*, ut patet ex praecedenti definitione; quare arithmetice proportionales sunt numeri 3, 7, 12, 16; atque etiam quantitates $a, a+b, e, e+b$.) Si autem talis proportio continuetur ita, ut quantitates per eandem constantem differentiam perpetuo crescant vel decrescant, iam habetur series vel *progressio arithmetica*, qualis est ita $a, a+b, a+2b, a+3b$ cet. vel haec alia $x, x-b, x-2b$ cet. aut etiam in numeris 1, 2, 3, 4, 5 cet. et 10, 7, 4, 1, — 2, — 5, — 8 cet. (Ex ipsa proportionis arithmeticae natura evidens est, summam extremorum terminorum aequalem esse summae mediorum.) Ita in proportione arithmetica $a - (a+b) = e - (e+b)$ manifestum est, summam extremorum $a+e+b$, aequalem esse summae mediorum $a+b+c$. Hinc datis tribus quantitatibus, facile invenitur quarta arithmetice proportionalis: addantur scilicet secunda et tertia, atque ex summa auferatur prima, differentia erit quartus terminus arithmetice proportionalis, ut patet.)

(Inde etiam colligitur, in progressionem qualibet arithmetica summam duorum extremorum aequalem esse summae duorum quorumlibet terminorum ab extremis aequae distantium.) Sint priores termini $a, a+b, +2b$ cet. sitque ultimus terminus x , erit penultimus $x-b$, antepenultimus, $x-2b$ cet. Iam comparentur inter se termini, qui ab extremis aequae distant in hunc modum:

$a, a+b, a+2b, a+3b, a+4b$ cet.
 $x, x-b, x-2b, x-3b, x-4b$ cet.

$a+x, a+x, a+x, a+x, a+x$ cet.

Si nempe singuli termini correspondentes, et qui ab extremis aequaliter distant, sibi invicem addantur, habebitur semper $a+x$, hoc est, summa primi termini a et ultimi x . Atque hinc etiam evidens est, summam omnium terminorum in progressionem arithmetica aequalem esse producto ex summa primi et ultimi in dimidium terminorum numerum. Ita si numerus terminorum dicatur n ,

erit omnium summa $\overline{a+x} \times \frac{n}{2}$.

III. (Quum differentia communis terminorum in progressionem arithmetica primum terminum non adficiat; patet, huius differentiae coefficientem in quolibet dato termino aequalem esse numero terminorum, qui terminum datum praecedunt.) Quare in ultimo termino x habebitur illa $\overline{n-1} \times b$ nempe $x = a + n - \overline{n-1} \times b$. Igitur quum omnium terminorum summa sit $\overline{a+x} \times \frac{n}{2}$, ea quoque inveni-

tur $= \frac{2an + bn^2 - bn}{2} = \left(\frac{2a + bn - b}{2} \right) \times n$. E. g.

Series arithmetica $1 + 2 + 3 + 4 + 5$, cet. ad 100 terminos producta $= \frac{2 \times 100 + 10000 - 100}{2} = 5050$.

At si progressionis primus terminus fuerit 0, erit progressionis summa aequalis dimidio producto ex ultimo termino in numerum terminorum. Nam in hoc casu quum sit $a = 0$, summa terminorum, quae generatim exprimitur

per $\overline{a+x} \times \frac{n}{2}$ in hanc abit $\frac{nx}{2}$. Vnde patet, sum-

nam numeri cuiuslibet terminorum in progressionem arithmetica; cuius primus terminus est 0, aequalem esse dimidio producto ex terminorum numero in terminum maximum. E. g. Progressio arithmetica.

$0 + 1 + 2 + 3 + 4 + 5 + 6 + 7 + 8 + 9 =$
 $9 + 9 + 9 + 9 + 9 + 9 + 9 + 9 + 9 =$ } $\frac{10 \times 9}{2} = 45$.

IV. (Si quotus ex duabus primis quantitibus, aequalis sit quoto ex duabus ultimis, quattuor illae quantitates sunt *geometrice proportionales*, ut patet ex praecedenti definitione. Tales sunt numeri 2, 6, 4, 12, et quantitates a, ar, b, br . (Ex ipsa proportionis geometricae natura evidens est, productum ex terminis extremis aequale esse producto ex mediis; sic $a \times br = ar \times b$, ut patet. Quare datis tribus terminis facile invenitur quartus geometricae proportionalis: multiplicando scilicet duos medios terminos, productumque dividendo per primum, quotus erit quartus quaesitus. Ita datis tribus quantitibus a, ar, b , inve-

nitur quarta $\frac{ar \times b}{a} = br$. At si proportio sit con-

tinua ita, ut secunda quantitas sit primae rationis consequens, et simul secundae rationis antecedens, simul ratiocinatione patet, sumendum esse huius quantitatis quadratum, et per primam quantitatem esse dividendum. (Haec autem quantitas, quae antecedentis et consequentis vices gerit, vocatur *media proportionalis*,) talisque proportio ita exprimitur $\div a . b . c$, nempe hoc scribendi modo significatur, b esse mediam proportionalem. At media proportionalis arithmetica ita designatur $\div a . b . c$. Patet autem, in hac proportione summam extremorum aequalem esse termino medio bis sumto.

Ex demonstratis de proportione geometrica pendet vulgatissima arithmeticae operatio, quae *regula trium* vel etiam *regula aurea* propter eximiam utilitatem appellari solet. Per hanc regulam, datis tribus terminis, invenitur quartus proportionalis. In hac autem operatione probe observari debet terminorum ordo. Et primo quidem consideranda est quantitas, quae est eiusdem generis cum quantitate quaesita. (Ex quaestionis natura intelligitur, an quantitas data sit maior vel minor quantitate quaesita; si maior sit, iam maxima ex aliis duabus quantitibus in terminorum ordine ad sinistram scribi debet, at si minor sit, tunc duarum aliarum quantitatum minima ad sinistram, alia autem ad dexteram collocari debet.) Constituto autem convenienti terminorum ordine iam ex praescripto regulae, productum ex secundo termino in tertium per primum terminum dividi debet. Tota res exemplo perspicua fiet. Haec

proponatur quaestio. Si 30 homines 15 diebus absolvant 150 speris hexapedas; quaeritur, quot hexapedas conficiant 40 homines eodem tempore. Quoniam quaeritur hexapedarum numerus, primum considerandus est numerus 150. Statim autem vides, numerum quaesitum *hexapedarum maiorem esse debere dato hexapedarum numero, sicuti 40 homines plures numero sunt quam 30*. Quare numerus 30 ad sinistram collocari debet in priori ratione, numerusque 40 ad dexteram, at-

que ita operatio peragitur: $30 : 40 = 150 : \frac{40 \times 150}{30}$

$$= \frac{4 \times 150}{3} = 200.$$

V. Pro varia terminorum ordinatione in proportione geometrica diversa ab arithmeticis inventa fuerunt nomina. At ex prima terminorum ordinatione aliae omnes facile inferuntur. (Si primus terminus dicatur esse ad tertium, ut secundus ad quartum, argumentari dicimur *alternando*. Si dicatur secundus ad primum, ut quartus ad tertium, tunc dicitur *invertendo*. Si summa terminorum primi et secundi refertur ad secundum, ut summa terminorum tertii et quarti ad quartum, inferre dicimur *componendo*; contra autem *dividendo*, si terminorum primi et secundi differentia ad secundum referatur, ut differentia tertii et quarti referatur ad quartum.) In his autem omnibus argumentandi modis proportionem manere patet, quum productum extremorum aequa-

le semper inveniatur productio mediorum. Ita in
proportione $a:ab=c:cb$ erit etiam $a:c=ab:cb$.
 Itemque $ab:a=cb:c$; quam in utroque casu
 sit productum extremorum abc aequale productio
 mediorum abc . Pariter $a+ab:ab=c+cb:cb$,
 atque etiam $a-ab:ab=c-cb:cb$; quam in
 primo casu sit productum extremorum et me-
 diorum $acb+ab^2c$; in secundo autem $acb-ab^2c$.
 Ex eadem productorum aequalitate facile colli-
 gitur, rationum compositione proportionem non
 mutari. (Ratio composita ex pluribus geome-
 tricis rationibus illa dicitur, quam habet pro-
 ductum ex earum antecedentibus ad produ-
 ctum ex consequentibus.) Sint duae proportionēs
 $a:b=c:d$ } erit $af:bg=em:ds$. Etenim produ-
 $f:g=m:s$ }
 ctum extremorum $afds$ aequale est productio me-
 diorum $bgcm$. Et quidem $a:b=c:d$, ac proin-
 de $ad=bc$. Praeterea $f:g=m:s$, ideoque $fs=gm$,
 ergo $ad \times fs = bc \times gm$. Simili ratione patet
 $\frac{ad}{fs} = \frac{bc}{gm}$, adeoque $ad:fs=bc:gm$. Atque ea-

dem valet demonstratio pro alio quolibet propor-
 tionum numero. (Ratio ex duabus aequalibus com-
 posita dicitur *duplicata*, ex tribus *triplicata* cet.
 Hinc ratio geometrica, quam habet quadratum
 unius quantitatis ad quadratum alterius, est du-
 plicata eius, quam habent ipsae invicem quanti-
 tates: ratio cuborum, triplicata cet. Et contra ra-
 tio, quam habent inter se radices quadratae, cu-
 bicae cet. dicitur *subduplicata*, *subtriplicata* cet.

rationis potentiarum *respectivarum*. At ratio, quae
 intercedit inter radices quadratas cuborum, hoc
 est, ratio $a^{\frac{3}{2}}$ et $b^{\frac{3}{2}}$ dicitur *sesquuplicata*.)

(Si duae quantitates ita inter se connexae sint,
 ut si una sit dupla, tripla cet. altera etiam du-
 pla, tripla cet. evadat, prima dicitur esse in ra-
 tione *directa simplici* alterius. At si prima in
 eadem ratione decrescit, in qua altera augetur,
 tunc illa esse dicitur in *ratione inversa* sive *re-
 ciproca* istius. At si duae quantitates ita sint in-
 vicem connexae, ut altera crescat in eadem ra-
 tione, qua primae quadratum aut cubus cet. tunc
 illa ad hanc esse dicitur in ratione duplicata, tri-
 plicata cet. At si in eadem ratione una decrescit,
 qua crescunt alterius quadrata vel cubi, dice-
 tur esse in ratione huius *reciproca* duplicata aut
 triplicata cet. Harum rationum frequentissimus usus
 recurret in physica. Quod ad rationem *inversam*
simplicem spectat, res sequenti exemplo mani-
 festa fiet. Si 40 operarii dierum 18 spatio opus
 aliquod absolvant, quaeritur necessarius operatio-
 rum numerus, ut idem opus 12 diebus absolva-
 tur. *Inspecta autem quaestionis natura, statim*
*patet, quaesitum operariorum numerum non mi-
 norem esse debere relate ad 40, sicuti 12 minor*
est relate ad 18, sed e contrario maiorem;
*proindeque evidens est, operariorum nume-
 rum quaesitum esse in ratione inversa die-
 rum. Quapropter in priore ratione proportio-
 nis, quae exprimet dies, invertentur numeri, seu*
minor sinistram tenebit, et maior dexteram.

$$\text{E. g. } 12 : 18 = 40 : \frac{18 \times 40}{12} = 60.$$

VI. Ex mediorum et extremorum producto pendet etiam universa progressionum geometricarum doctrina. (In progressionem qualibet geometrica productum ex primo in ultimum terminum semper aequale est producto ex secundo et penultimo, aut etiam alteri cuilibet producto ex duobus terminis a primo et ultimo aequaliter distantibus.) Sit progressio a, ar, ar^2, ar^3 , in qua communis multiplicator aut divisor *ratio communis*, aut *exponens communis rationis* dici solet, sitque y ultimus terminus; erunt quattuor ultimi ter-

mini $y, \frac{y}{r}, \frac{y}{r^2}, \frac{y}{r^3}$: ut patet ex natura

progressionis geometricae. Est autem $a \times y = ar$

$$\times \frac{y}{r} = ar^2 \times \frac{y}{r^2} = \frac{ar^3 \times y}{r^3} \text{ cet. (Praeterea sum-$$

ma progressionis geometricae, demto primo termino, aequalis est summae omnium terminorum, demto ultimo per communem rationem seu per communem exponentem rationis multiplicato.)

$$\text{Nam } ar + ar^2 + ar^3 + \text{cet. } \frac{ay}{r^3} + \frac{y}{r^2} + \frac{y}{r} + y =$$

$$r \times \left(a + ar + ar^2 \text{ cet. } + \frac{y}{r^4} + \frac{y}{r^3} + \frac{y}{r^2} + \frac{y}{r} \right).$$

Quare si progressionis summa dicatur s ; erit

$$s - a = \overline{s - y} \times r, \text{ hoc est, } s - a = sr - yr, \text{ vel}$$

$$sr - s = yr - a, \text{ et } s = \frac{yr - a}{r - 1}$$

Quamvis autem ex arithmeticarum operationum natura facile pateat, qua ratione ad hunc ultimum valorem perveniat; res tamen magis fiet manifesta ex appendice, quam de aequationibus mox adiungemus. Porro quum exponens ipsius r post secundum terminum perpetuo crescat, si numerus terminorum dicatur n ; erit $n - 1$ exponens ipsius r in ultimo termino; ac proinde $y = ar^{n-1}$, et $yr = ar^{n-1+1} = ar^n$, et

$$s = \frac{yr - a}{r - 1} = \frac{ar^n - a}{r - 1} \text{ Quare datis in progressio-$$

ne geometrica primo termino, terminorum numero et communi ratione seu communi exponente rationis, facile invenietur omnium terminorum summa. Si invenienda sit summa seriei de-

$$\text{crescentis } y + \frac{y}{r} + \frac{y}{r^2} + \frac{y}{r^3} + \text{cet. } + ar^3 + ar^2 + ar$$

+ a posito terminorum numero infinito, ultimus terminus a fit $= 0$. Quum enim n sit infinitus, ac proinde et infinitus r^{n-1} ; erit $a = \frac{y}{r^{n-1}} = 0$.

Quare summa talis seriei est $s = \frac{yr}{r - 1}$ quae est

summa finita, quamvis numerus terminorum seriei sit

infinitus : ita series infinita est $1 + \frac{1}{2} + \frac{1}{4} + \frac{1}{8} + \frac{1}{16} +$
cet. $\equiv 2$.

DE LOGARITHMIS.

Scholion. Ad progressionem arithmeticas et geometricas refertur logarithmorum doctrina, maxime quidem utilitatis in physica sublimiori, sed rem breviter tantum attingere nobis licebit. Progressio quaelibet geometrica hac formula potest representari $\equiv aq^0 \cdot aq^1 \cdot aq^2 \cdot aq^3 \cdot aq^4 \cdot aq^5 \cdot$ cet. in qua a et q exprimentur numeros quoslibet. Quare si fiat $a \equiv 1$, praecedens series abit in hanc $\equiv q^0 \cdot q^1 \cdot q^2 \cdot q^3 \cdot q^4 \cdot q^5 \cdot$ cet. Inde autem duo colliguntur. I. Productum ex duobus quibuscumque huius progressionis terminis pro exponente habet ipsorum exponentium summam. (*cap. v. §. IV. ad calc.*) Ita productum ex $q^1 \times q^4 = q^5$. Quare si inveniendus proponatur in hac progressionem terminus, qui sit duorum aliorum producto aequalis, quaeratur terminus, cuius exponentis est ipsa duorum exponentium summa . . . II. Quotus ex duobus terminis emergens ipse est terminus, cuius exponentis est ipsa exponentium differentia. Ita si dividatur q^8 per q^3 , quotus est $q^8 \div q^3 = q^5$. Quare si inveniendus proponatur terminus duorum aliorum quotus aequalis, quaeratur terminus, cuius exponentis aequalis est exponentium differentiae.

Si ponatur progressionis geometricae terminus aliquis q , atque exponentis rationis sit $\frac{1}{n}$ progressio quaelibet geometrica hac serie in infinitum re-

praesentari potest : $\equiv \frac{q}{n^5} \cdot \frac{q}{n^4} \cdot \frac{q}{n^3} \cdot \frac{q}{n^2} \cdot \frac{q}{n^1} \cdot q \cdot qn$.

$qn^2 \cdot qn^3 \cdot qn^4 \cdot qn^5$ cet. $\equiv \equiv qn^5 \cdot qn^4 \cdot qn^3 \cdot qn^2 \cdot qn^1 \cdot qn^0 \cdot qn^1 \cdot qn^2 \cdot qn^3 \cdot qn^4 \cdot qn^5$ cet. ut patet. Si infra progressionem geometricam scribatur progressio arithmetica ita, ut singuli termini unius respondeant singulis terminis alterius hoc pacto : $\equiv qn^4 \cdot qn^3 \cdot qn^2 \cdot qn^1 \cdot qn^0 \cdot qn^1 \cdot qn^2 \cdot qn^3 \cdot qn^4$ cet. $\div -4 -3 -2 -1 0 +1 +2 +3 +4$ cet.

Termini quilibet progressionis arithmeticae $-4 -2 +3 +4$ appellantur *logarithmi* terminorum respondentium in progressionem geometricam qn^4, qn^2, qn^3, qn^4 . Inde autem patet, multipliciter variari posse logarithmorum formam. Etenim si duae sint progressionem, quarum altera geometrica sit, altera arithmetica, et sub singulis primae terminis singuli secundae scribantur, undecumque initium fiat, hi dicuntur illorum *logarithmi*. (At in vulgari logarithmorum systemate numeri alicuius logarithmus vocatur exponentis potestatis numeri denarii, quae sit numero dato aequalis.) Ita si habeantur duae sequentes progressionem, prior geometrica, et arithmetica altera:

$\equiv 10^0 \cdot 10^1 \cdot 10^2 \cdot 10^3 \cdot 10^4 \cdot \equiv \equiv 1 \cdot 10 \cdot 100 \cdot 1000 \cdot 10000$
 $\div 0 \cdot 1 \cdot 2 \cdot 3 \cdot 4 \cdot \dots$

Exponens 0 est logarithmus unitatis; exponentis 1 est logarithmus 10, et ita deinceps. At quia exponentes illi exhibent dumtaxat logarithmos numerorum integrorum in progressionem decupla : 1, 10, 100, 1000, 10000 cet. necessum est, praeterea, haberi logarithmos numerorum in-

termediorum, 2, 3, 4, 5, 6, 7, 8, 9, 11, 12 cet. Qua ratione autem formari possint logarithmorum tabulae, breviter exponam; neque enim doctrinam hanc fusius explicare licet pro iniuncta his elementis facilitate.

Vt habeatur numeri alicuius dati, e. g. 3 logarithmus, oportet numerum hunc inveniri in progressionem geometricam 1, 10, 100 cet. quod ex dictis patet. Porro quamvis non pateat, numerum 3 locum habere posse in praedicta progressionem, evidens tamen est, inserendo inter 1 et 10 terminos medios geometricae proportionales, obtineri numeros inter 1 et 10, eo proximius, quo maior est terminorum insertorum numerus. Unde fiet, ut horum terminorum mediolorum aliquis vel sit numerus 3 accurate, vel inveniantur termini duo contigui, inter quos numerus 3 contineatur quamproxime. *Et quidem tabularum constructores, ut plurimos eiusmodi terminos medios interponerent, superiorem progressionem geometricam $\approx 10^0. 10^1. 10^2. 10^3. 10^4$. ope fractionum decimalium in aequalem converterunt: $10^0. 10^{0.0000000000} 10^{0.0000000000} 10^{0.0000000000} 10^{0.0000000000}$ cet. atque eo pacto inter singulos progressionis exponentes medii termini 9999999 inserti fuere, quorum diffe-*

rentia est $\frac{1}{1000000}$. Iam vero quia exponentes

illi semper sunt in progressionem arithmetica, ex dictis evidens est, valorem numeri denarii ad illas potestates evecti, quarum indices sunt iidem exponentes, perpetuo manere in progressionem geo-

metrica, atque eosdem exponentes esse horum numerorum logarithmos. Habebitur igitur nova progressio geometrica hoc modo: $10^{0.0000000000} 10^{0.0000000000} 10^{0.0000000000} 10^{0.0000000000} 10^{0.0000000000}$. In qua quidem progressionem observandum est, numeros lentissime crescere, quum ex primo termino 1 seu $10^{0.0000000000}$ usque ad 10, seu $10^{0.0000000000}$ sint 9999999 termini intermedii. Ergo inter eos erit aliquis intermedius ≈ 2 , vel 3, vel 4 cet. Ita 2 inventus est terminus $10^{0.3010300}$; 3 $\approx 10^{0.4771213}$; 4 $\approx 10^{0.6020600}$. Quare exponentes illi sunt logarithmi numerorum 2, 3, 4 cet. Hoc artificio et patientissimo multorum annorum labore supputatae sunt logarithmorum tabulae.

Commodissimae sunt tabulae illae. Etenim quum demonstratum sit (*cap. v. §. iv. ad calcem*) logarithmum producti ex duobus numeris, logarithmorum summae aequalem esse; logarithmorum vero differentiae aequalem esse logarithmum quoti; per solam additionem et subtractionem compendiose absolvi possunt multiplicatio et divisio. Sumantur datorum numerorum 3 et 4 logarithmi, iique addantur, numerus summae respondens in logarithmorum tabulis erit logarithmus producti 12. Contra autem logarithmorum differentia erit logarithmus quoti. Ita si a logarithmo numeri 12 subtrahatur in tabulis logarithmus numeri 4, differentia erit logarithmus numeri 3. Simili ratione patet, numerum quemlibet ad datam potestatem evehi, si sumatur numeri dati logarithmus, et per exponentem potestatis multiplicetur; productum enim erit quaesiti numeri logarithmus. Contra

autem si numeri dati logarithmus per exponentem radice dividatur; quotus erit quaesitus radice logarithmus.

APPENDIX.

De aequationibus.

AE quatio dicitur: *propositio duarum quantitatium aequalitatem adfirmans, interposito aequalitatis signo* = AEquatio valore quantitatis alicuius repraesentat, si ex una aequationis parte habeatur quantitas sola quaesita, in parte autem altera occurrant quantitates, quae omnes sint cognitae. Ita si habeatur $x = \frac{4 \times 6}{3} = 8$, notus est

valor ipsius x . Itaque in omni resolvenda aequatione id curandum est, ut nempe quantitas, cuius valor quaeritur, in una aequationis parte sola contineatur, pars autem altera solas quantitates cognitae contineat. In hac autem appendice duplex dumtaxat aequationum genus considerabimus, eas scilicet, in quibus quantitas incognita vel unius est dimensionis seu primi gradus, vel ad secundam dimensionem seu secundum gradum evehitur. Quod ad primi gradus aequationes spectat, totum artificium regulis quibusdam explicabimus variisque numeris distinguemus. i.° Ex una aequationis parte in alteram transfertur quantitas aliqua, facta signorum permutatione, ut in hoc

exemplo: $5x + 50 = 4x + 56$; $5x - 4x = 56 - 50$, et $x = 6$. II.° Si quantitas incognita quantitatibus aliis per multiplicationem aut divisionem permixta sit, ab iis liberari debet in primo casu per divisionem, in casu altero per multiplicationem. Sit $3x + 12 = 27$, erit $3x = 27 - 12 = 15$,

et $x = \frac{15}{3} = 5$. Sit autem $\frac{x}{5} + 4 = 10$

seu $\frac{x + 20}{5} = 10$; erit $x + 20 = 50$, et

$x = 50 - 20 = 30$. III.° Proportio quaelibet geometrica converti potest in aequationem, facta extremorum et mediorum multiplicatione. Sit $12 - x$:

$\frac{x}{2} = 4 : 1$, erit $12 - x = 2x$; quare $3x = 12$,

et $x = 4$. Simili ratione proportio arithmetica in aequationem per additionem mutari potest. IV.° Loco quantitatis cuiuslibet in aequatione alia eiusdem valoris substitui potest. Sit $3x + y = 24$,

et $y = 9$, erit $3x + 9 = 24$, $x = \frac{24 - 9}{3} = 5$.

v.° Si pars aequationis quantitatem quaesitam continens signo aliquo radicali adficiatur, delendum est signum radicale, et altera pars aequationis ad eam evehi debet potestatem, quam indi-

cat ipsum signum radicale. Sit $\sqrt{ax + b^2} - c = d$, erit $\sqrt{ax + b^2} = d + c$, et $ax + b^2 = d^2 + 2cd + c^2$;